

中國方志叢書·華中地方·第五七〇號

據

清·戈鳴岐等纂修
清雍正十二年刊本

影印

浙江省

嘉善縣志



5/22/09
成文出版社有限公司印行



中國方志叢書·華中地方·第五七〇號

據

清·戈鳴岐等纂修
清雍正十二年刊本

影印

浙江省

嘉善縣志



5/22/09

成文出版社有限公司印行



10097702

中華民國七十二年三月臺一版

嘉善縣志

共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（〇）（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

本書原稿承國立故宮博物院惠借

謹致謝意

續脩嘉善縣志序

昔之稱良牧者覽其山川攷其土俗
觀其人物然後斟酌損益審利弊而
整飭之故邑之有志裨益吏治匪淺
鮮也武塘爲浙西大邑前者 給諫

莫侯 澹菴楊侯延薦紳名彥先後
纂脩邑乘歷年典故燦然大備迄今
已七載矣賦稅得無有盈縮乎人材
得無有盛衰乎溝遂橋梁得無有廢
興乎余承

簡命來蒞茲土以耳目所及叅之邑乘
所載亦復有參差之議會

朝廷諭脩一統志而郡邑之志乘時考
訂因取數年因革之故仍延諸君子
釐輯焉閱兩月而告成余益歎武塘

之凋瘠而起衰剔弊非易事也

國家自底定以來正供之所入匪頒之

所出前此議增議減者悉復其舊庶

幾稍甦民困獨是善邑綠塍參錯影

射輸將桃殭李代又無廣川巨浸而

支河小港亦科蕩稅

給諫莫侯焦

心蒿目顧極重難返剗除竟未有術

熒熒小民曷克堪此夫老成碩彥人

倫師表也郁廷尉之謙冲曹學士之

淹雅柯銀臺之亮直竟不獲覲其道

範而孝友如丁明經行誼如徐中翰
文章如錢孝廉三年之間相繼淪喪
此余之感悼而不容已也善固澤國
前者淫雨爲災城垣宮室漸就頽圯
余受事以來所及與諸父老講求者

惟此溝塗封殖之界耳雉堞麗譙未
盡整理也書院公廨未盡脩復也酒
榷告竭杼軸其空想輪奐於當年審
時勢於今日不更憂憂其難言乎若
夫蠲率農功振揚文教革刁頑之陋

習還淳樸之休風俾柳洲百里民懂
士蒸竊有志焉而未逮已夫前事之
不忘後事之師也諸君子據事直書
爲利爲弊當有洞悉其機宜者果何
術以百年無敵也抑又聞輶軒之使

集其歌謠上獻天子後世採風不行
郡邑之志咸備崇文之清覽我


皇上留心民瘼宏宣子惠則是志之續
脩或亦太史之所輯也夫

皆

康熙二十三年歲次甲子孟春穀旦

文林郎知嘉善縣事三韓崔維華

撰



續修嘉善縣志序

邑有志猶國有史也然史自告成以
後藏之宮府守掌秘邃無有損壞而
當其先起居實錄比事屬辭聞見最
確不敢稍有損益以信今而傳後

典甚鉅也若夫誌則有異簡帙旣虞
委焉弗顧守邑者視官爲傳舍以爲
簿書錢穀事有大於此者是不過具
文焉耳歷歲遙深塵封蠹蝕多所殘
缺及有起而修之者而採輯之下父

七子弟所見異詞所聞異詞所傳聞
又異詞珥筆之人生長同里毀譽未
免遷就此誌之不如史爲足以傳信
也方今海宇清晏

皇上特命儒臣修一統誌以垂不朽各